

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 45. Verum bonum amandum

urn:nbn:de:hbz:466:1-9969

rentes odio habet: vincit in bono malum, qui eos sincerè, & ex corde tamquam insignes benefactores diligit: & si in mala incident, eis compatitur, eorumque necessitatibus gaudenter, & liberaliter succurrit. Hanc veritatem charitas facilius persuadet, quam omnia sapientum argumenta. Non igitur timenda sunt mala, quæ verbis vel factis inferre nobis homines possunt; sed illa potius timenda, quæ ipsi nobis irrogamus odio erga illos, impatientia, & appetitu vindictæ. Sola charitas nos invincibiles, & omni malo superiores facit: *Aquæ multæ adversitatum, & persecutionum non potuerunt extingue re charitatem, nec flumina obruent illam. Cant. 8.7.* Magnum autem incendium oportet esse, quod inundationibus aquarum resistit.

§. X L V. Verum bonum amandum.

Deus nobis summum bonum est, quem jubemur diligere toto corde, tota mente, totis viribus: & hoc omnino tendendum est, nec alius ultra querendum: hoc omnia consilia nostra referenda sunt. Amor enim summi boni omnem in se virtutem complectitur: temperantia siquidem amor est hominem in Deo integrum & incorruptum servans: fortitudo est amor constanter omnia perferens propter Deum: justitia est amor Deo soli serviens, & cæteris quæ sub Deo sunt bene imperans: prudentia denique amor est ea bene discernens, quibus adjuvatur, ut ad Deum perget, & ab iis quæ illum impedire possunt. Ipsum verò summum bonum non intuitu mercedis, aut proprii commodi; sed propter se amari debet, propter suam bonitatem, qua nihil melius esse potest, cum sit infinita, & finis omnium. Ideò perfectus Dei amor esse censetur, cum omnia bona propter ipsum amantur, à quo & per quem sunt bona: cum amatur sine modo, ita ut voluntas, licet non adæquet, saltem attingat, quantum fieri potest, summam ejus & immensam bonitatem, nullum modum vel terminum ponens in ejus dilectione: cum

denique amat super omnia , quia omne aliud bonum
divinæ bonitati comparatum quasi nihil reputatur.
Summoperè autem cavendum est , ne sensibilium bono-
rum usū & consuetudine voluntatis vigor , & energia in
Dei amore sensim dissolvatur. Etenim ad æterna , & in-
telligibilia , quia à sensibus remota sunt , tardiores sunt
affectus : ad sensibilia autem incitatores , tametsi illa plu-
ris æstimentur. Deinde natura seipsum quærerit , & cum
vaferrima sit , tot fraudes , ut nos decipiatur , totque recef-
sus in quibus lateat , comminiscitur ; ut vix possimus la-
queos ejus evitare. Sicut vas plenum accipere nequit
quod non habet , nisi prius effundat quod habet : sic ma-
lus mundi amor à nobis excludi debet , ut bono Dei amo-
re repleamur : *Nolite diligere mundum* , inquit Apostolus ,
quem diligebat Jesus , neque ea que in mundo sunt . 1.
Ioan. 2. 15. quibus verbis prohibemur non ita diligere
ista , quæ fecit Deus , ut creatoris obliviscamur. Pulchra
videntur ista , sed quanto pulchrior est qui fecit illa ? Ista
nobis tradidit Deus , ut iis propter ipsum utamur , ipso
autem fruaimur. Qui extra Deum bonum suum quærerit ,
nunquam inveniet. Qui verò Deum super omnia diligit ,
ab ipso quoque diligitur : & si ipse nos diligit , quid boni
poterit nobis deesse ? Porro ipse semper nos diligit , si ab
eius amore numquam cessemus.

§. XLVI. Amor Dei in quo consistat.

In hoc præcipue Dei amor elucet , cùm multa pro illo
gaudenti animo patimur. Amare enim est pati , &
magis amat , qui magis patitur. Apostoli ibant gaudentes
à conspectu concilii , quoniam digni habitus sunt pro no-
mine J E S U contumeliam pati. Affectus teneri erga
Deum , atque inde prosilientes lacrymæ , naturæ effectus
sunt , quæ ad affectus proclivior est : Vera virtutes , &
solida gaudia ab amore practico , & obedientiali oriun-
tur. Qui enim amat , propenso animo , & summa jucun-
ditate illi , quem amat , in omnibus obsequitur , non ti-